

D V I N K E R C K A



VINKERCKA, Maritimum Flandriæ oppidum, à Balduino Comite circa annum Christi X M. LXVI. prima fundatione excitatum, tribus miliaribus Grauelinga, & quinque, Nieporto distans. Paucis ab hinc annis incolarum diligentia, ciuitatis bene ornatae laudem est consequuta. Nam decenti murorum ambitu ad securitatem ciuium cinctum, etiam sumptuosis priuatarum ædium est exornatum structuris. Præstitit hoc ipsi, portus, multarum nauium capacis, oportuna commoditas, incolarum frequentia, & negotiationis mediocris tractatio. Verum Galli, subita & fraudulenta expugnatione hoc oppidum deformarunt, eo bello, quo Anno salutis M.D.LVIII. Calesium, & vicina aliquot oppida Anglis eripuerunt. Quæ res, vt eam paulò altius repetam, sic habet. Calesium, quod & Calerum à nonnullis adpellatur, Odoardo, Anglorum Rege, captum ab Anglis fame fuit, vndecimo mense, post horribilem illam, contra Philippum Sextum Regem Gallie commissam, ad Cretium pugnam, Anno Christi M. CCCLVI. quantum quidem referunt. Quam pugnam, Paulus AEmilius, libro ix. diffusè narrat. Hoc oppidum igitur, Angli, possederunt, CCXI. annis, magnaque diligentia, & impensa, id præsidio semper firmarunt. Tantiq̃ue referre putarunt. Angliæ Reges, eo potiri: vt, hoc saluo, se Gallie clauis in oculis habere, dicerent. Nec hoc quidem falsò. Quoniam, ex hoc, in continenter, pro animi sententia, milites suos exponebant, atque hinc, maximos in Gallia progressus, perpetuò fecere. Sed tandem à Gallis oppugnatum, expugnatumq̃ue fuit. Anno M. D. LVIII. mense Februario. Quæ res sic habet. Galli, Calendis huius mensis, magno silentio exercitum ad Neombrigæ pontem, Arcem munitissimam, Guisio Duce, quàm celerrimè perduxerunt, nullaque omninò interiecta mora, ipsam, & Ratibonam Arcem alteram, vno eodemq̃ue tempore, simul obsidere, tormentisq̃ue concutere, coeperunt. Cùm igitur Angli, se vndique cinctos ab hoste viderent: & ei naues subsidio, ex Normania, Bononiaque, indies aduentare: de sua salute desperantes, quod hæc sanè ex insperato contingerent: & imparatis, animos proiecerunt. Quo adcedebat, quod qui Neambrigo ponti, præsidio collocati fuerant, tantum à tormentorum fragore metum conceperant, vt relicta turpiter Arce, sese Calesium recepissent. Risbanæ verò Arcis miles: intra horam, vix obsessus, vtrò se, in liberam hostis potestatem, tradiderat. Quamobrem, Galli, clauis illas Calesij, vnà cum perquam multis bellicis tormentis, atque eorum, & annonæ, adparatu haud exiguo, reppererunt. Hanc enim victoriam prosequentes, subito Calesiū adpulere. Cui oppido, tum præfectus erat Milordus Ventfurtius, vir imbecillis animi, minimaque rerum experientia præditus. Oppido inerat, verus sexcentorum militum præsidium, qui ibi perpetuo stipendio additi, nullis domesticis, externisq̃; bellis exercitati, non magnum vsum habebant rei militaris. Itaq̃; Galli, hoc oppidum, varijs locis principiò, tormentis tentarunt. Euestigio demum, Arcem, quæ mare spectat, triginta tribus maioribus tormentis, adorti sunt. Cui, cùm muri partem decussissent, eò sub horam noctis tertiam, trium Regum die, impetum fecere. Tunc enim maris æstus retrocesserat, & Mars Gallo fauens, noctem, notissima illic luna in clarissimum propè diem, conuerterat. Angli paulum resistere, mox timore circumfusi, hæc relicta arce, Calerum sese proripuerunt. Ex quo oppido, ipsi duobus leuibus aduultibus in Gallos, qui in Castris auroram expectabant, in oppidum penetraturi, impressionem mouere. Sed adcepto damno regressi sunt, ac pulsi. Quare certis conditionibus, sese, postridie dediderunt. Nunc verò hoc oppidum, quemadmodum & Grauelinga atq̃; Burburgum Hispaniarum Regem, vti supremum feudatarium agnoscunt Dominum.

G R A V E L I N G A



FLANDRIÆ, qua mare respicit, oppidum ad fluuium Aa, medium quasi occupat, inter Calesium, & Duinkerckam, præcipua eius tractus, oppida, nam ab vtroque tribus tantum æquè miliaribus, distat, olim celeberrimi nominis, & famæ non contemnenda, fuit, portum habuit amplum, stationi multarum nauium, & negotiationi idoneum. Sed pristini splendoris, Nordmannorum tyrannide, tum Gallorum incursionibus plurimum amisit. Nunc verò, incolæ forti prudentique consilio, & pecuniam contemnente animo, fossa lata, ac profunda, propugnaculis, & muro scitè affabreque ædificato, oppidum suum, ab hostili incursione tutum effecerunt. Iuxta hoc oppidum, ad Cataractam Calerensem, Gallorum & Burgundiorum acies de summa rerum, magna virtute, dimicarunt, Et Egmondano Comite, Regis Philippi fortissimo duce, humiliata est Gallorum arrogantia.

B V R B V R G V M



BURBURGVM, etsi exiguum & pauper, vt Meierus scribit, Flandriæ oppidum, non nisi fossa, & muro terreo, ligneoque palis compacto munitum, diu tamen mulumq̃; Gallos exercuit, Anglis, qui id eo tempore tenebant, acriter resistentibus, vnico miliari à Grauelinga ad Colme fluuium, à Duinkercka & Berga, tribus, & dimidiato, distat.